

Eerste Gelui

23 Julie 2023

Nuus oor die komende week, NG Kerk Kleinmond
Arabella, Bettysbaai, Kleinmond, Pringlebaai, Rooiels


Sondag se eredienste:

Kuierkerk in Eerstelaan:

Ds. Louis Fourie

Skriflesing Genesis 28: 1-19

Tema God van die onverwagte!



Kerkgebou: 09:30

Ds. Henrich Carstens

Skriflesing Genesis 28: 10-22

Tema Onwaarskynlike ontmoetings




Gemeente-sentrum: 09:00

Ds. Leopold van Huyssteen

Skriflesing Genesis 28: 10-22

Tema Op 'n onbekende plek?



Deuroffers

Die deuroffers is vir die Gesinsbediening..

Op 30 Julie is dit vir die bediening aan die Dowes

Die kerkgebou se diens word op Kieskerk geplaas.

Die skakel na Kieskerk:

<https://kieskerk.com/ng-gemeente-kleinmond/>

Program vir die week

Maandag 24 Julie

17:30 Kuierkerk Wykskerkraad

Dinsdag 25 Julie

15:00 Eiendomskommissie vergader

18:00 Getuienis-aksie vergader

Woensdag 26 Julie

09:00 Normaalklas vir Vroue-Bybelstudie

10 - 12 Kerkkantoor in Hangklip beskikbaar

11:30 Gebedsgroep vergader

18:00 Meditasie-diens in kapel

Donderdag 27 Julie

16:00 Kerkkoor oefen

17:30 Kommissie vir Diensverhoudinge vergader

Vrydag 28 Julie

10:00 Herders vergader

KK&K

Neem kennis dat die vergadering vir die Kommissie vir Kerkkantoorsake en kommunikasie verskuif na Dinsdag 1 Augustus om 18:00

Lidmate wat voorbidding baie nodig het

Dawie Kruger van Bb2, Christa Fick van PM3 wat steeds wag vir 'n gesikte nier vir 'n nier-oorplanting, Johan Burger van BB1,

Piet le Roux van KB4, Paul Jordaan van Ba1,

Loe Morkel van Ba1, Chrita Steenkamp van Sc2 en

Johan en Belinda Heydenrych van Ba3.

Arbeidsbediening

"Ek is die brood wat lewe gee. Wie na My toe kom, sal nooit weer honger word nie; en wie op My vertrou sal nooit weer dors kry nie." Joh. 6:35

Vir ons wat bevorreg is om dit elke Sondag te ontvang, is die opdrag: Wanneer die Heilige Gees oor julle kom, **sal** julle krag ontvang en oral mense **eerstehands** van My vertel. Hand 1:8.

Eko-nuus

Die **Eko-bediening** het afgelope Dinsdagaand 'n geslaagde byeenkoms gehad. Ten spyte van 'n kwaai storm én beurtkrag was daar meer as 50 mense teenwoordig.

Die bekende fotograaf van Kleinmond, **Friso Woudstra**, het van sy oudiovisuele vertonings gelewer. Met treffende beelde en gepaste musiek is o.a. Ps 104 aan ons voorgehou.

Daarna is met die kwartaallikse vergadering voortgegaan en van verskeie werksaamhede kennis geneem. Met die skoonmaak-aksies is honderde sakke rommel uit die omgewing gehaal, bande is verstewig met organisasies soos Die Strandlopers, Kleinmond Natuurbewarings-vereniging en die Kogelbergbiosfeer reservaat. Vir die eerste keer is daar ook in kleiner groepe verdeel om spesifiek aandag aan verskeie nuwe sake te gee.

Op die foto is die lede besig om elkeen wat die groen handskoene sien, uit te daag om groener te lewe: gee ligte voetspore op die Here se aarde en hanteer die skepping met ontsag.



Baie dankie aan elkeen wat teenwoordig was, Friso vir sy vertoning, Cape Dry wat die geskenk geborg het en die groepleiers wat leiding geneem het. Ons volgende vergadering is DV op Dinsdag, 17 Oktober om 17:15.

Eko-bediening en helpers maak skoon in die omgewing van die Palmietbrug



En Fynbos se wintermark is verby

Ons gemeente het basaarpoeding daar verkoop en meer as R6 000 inbetaal. Baie dankie aan almal wat gewerk en poedings geskenk het.





Verjaardae

Baie geluk aan almal wat verjaar.
Mag die nuwe lewensjaar
vol vrede en vreugde wees.

22 Julie

Kylie Conradie 0833961005 van Ba2
Edna Crause van Sb3
Melinda du Plessis 0832573157 van Ba1
Bettie Fourie 0835446281 van Sa2
Frieda Lizamore 0827072511 van Sb3
JP Odendaal van Ba3
Alta Roberts 0834700902 van BB6
Theo Scheepers 0822023456 van Sb3
Christine Schwarz 0826638071 van Ba1
Lienkie van der Merwe 0826417775 van Sa2



23 Julie

Anne-Marie Hugo 0826990367 van Sb1
Johanine Hugo van Bb 3
Gunter Jantzen van KP1
Hetta Roux 0829205679 van KB5
Tiekie Van Wyk 0822291549 van BB2

24 Julie

Anne Geldenhuys 0845817810 van PM3



25 Julie

Madelein Booyen 0823036172 van Ba2
Anneth Heidmann van Sb1
Ina Kruger 0845498471 van Bb 2
René Maree 0833208327 van Bb 3
Getha Meyer van Sc3
Petrus Smal 0832869310 van Sb2



26 Julie

Hester Claassen van KB2
Odette Van der Merwe 0827561999 van Sb2

27 Julie

Angelique De Wet van Sa2
Matie Huddlestone 0792112076 van HK3
Kobus Stemmet van Bb 4
Zoë Stemmet van Bb 4
Leon Van den Berg 0824648586 van Bb 4



28 Julie

Rina Buckle 0829342993 van Sc1
Charlotte Duvenhage van Ba1
Marie Rheeder van PB3
Karl Sass van BB4
Johannes Van Der Merwe 0836490590 van Sb2

Baie welkom

Lidmaatskapsertifikate van die voltgende lidmate is ontvang. Ons hoop hulle voel al tuis in ons gemeente.

Chari Liebenberg van Estcourt (KB2)
Willem Adriaan en Loraine Kotze van Upington (Sa4)
Jolena Steenkamp van Aan die Berg (HK3)
Sarie van Rooyen van Bethlehem-Efrata (Bb4)
Douwlina Gerbrecht Boshoff van Bethlehem-Efrata (Bb4)

Ds. Heinrich se kontakbesonderhede

Adres: Vierdelaan 63
Selnommer: 083 566 1490
E-pos adres: heinrich.carstens@icloud.com

Wyksbyeenkomste

Die laaste twee weke van Augustus is daar weer wyksbyeenkomste. Wyksouderlinge word herinner om vroegtydig te laat weet waar die wyksbyeenkoms gehou sal word. Hier is die lys met inligting wat reeds ontvang is.

WYKSBYEENKOMSTE: *Augustus 2023*

Dinsdag 22 Augustus

Bb1-4	10:00	Kuierruimte by die kerk
Sb1-3	15:00	Kuierruimte by die kerk
PM3	15:00	
BB5+6	18:00	
BB3+4	18:00	

Woensdag 23 Augustus

KP	09:30	Biblioteeksaal
Ba1-3	10:00	
Sa3+4	10:00	Kuierruimte by die kerk
PM1	15:00	
HK1+2	15:30	
BB1+2	17:30	

Dinsdag 29 Augustus

Sb4	09:30	
KB1+2	10:00	
HK3	15:30	
PM2,4,5	17:30	

Woensdag 30 Augustus

KB3-5	10:00	
Sc1-4	15:00	
KB6	15:00	

Donderdag 1 September

Sa1+2	15:00	
RE+PB	15:00	

Byeenkoms vir Gemeente-vroue



Neem solank kennis dat daar op Disdag 8 Augustus 'n kuiergeleentheid vir al die vroue-lidmate in die kerksaal aangebied word. Meer inligting volgende week.



Ligdraers dra die evangelie verder

Die getuienisaksie het verlede maand deur die Eerste Gelui en Kerkklok gevra vir bydraes om ons buurgemeente, die VGK Kleinmond, te help met die salaris van 'n eie leraar. Hulle kan dan vir die eerste keer 'n proponent beroep.

Verskeie van ons lidmate in Kleinmond en Hangklip het bydraes belowe of reeds by die kerkkantoor inbetaal. Ons eie kerkraad kan nou aan die VGK-kerkraad terugvoer gee. Verdere stappe in die proses van hande vat kan nou volg.



Baie dankie aan almal wat 'n bydrae gegee of belowe het, en by voorbaat dankie aan almal wat dit nog oorweeg.



Voorbidding vir Ukraine: 'n Suid-Afrikaanse sendeling in die oorloggebied van dié land het die afgelope Donderdag ons voorbidding gevra vir kerkleiers en gelowiges se nuwe aksie om getraumatiseerde, eensame vroue en kinders te help met die verwerking van hulle verliese – 'n man of pa wat gesterf het, huise en besittings wat in 'n oomblik verwoes is.

Hulle voer gesprek met gespesialiseerde terapeute uit nabyliggende lande van Oos-Europa wat kan kom help om geskikte persone in Ukraine op te lei. Daar word beoog om traumasentrums te skep waar mense wie se lewens en veiligheid verwoes is, te help, en daardeur ook die goeie nuus van Jesus as verlosser oor te dra.



Nederduitse Gereformeerde Kerk

EEN LIGGAAM EN EEN GEES

Beste kollega

SONDAG 13 AUGUSTUS 2023 DAG VAN VEROOTMOEDIGING NG KERK (SUID-AFRIKA EN NAMIBIË)

Selde was die Suid-Afrikaanse politieke omgewing so onseker soos in 2023. Kombinasies van politieke, ekonomiese en sosiale omstandighede maak lidmate van die NG Kerk, soos die res van hulle landgenote, uiters bekommerd oor die lang- en korttermyn toekoms van Suid-Afrika.

Faktore soos politieke onstabiliteit, geweld en onverdraagsaamheid, sosiale konflik en geweld, negatiewe ekonomiese groei met gepaardgaande vraagstukke soos werkloosheid, armoede, swak dienslewering en die vlug van kapitaal en kundigheid uit die land, dra by tot die toenemende onsekerheid en uitsigloosheid.

Endemiese korruksie, die verswakking van die oppergesag van die reg en waarskynlik die grondwetlike staat en 'n energiekrisis wat elke inwoner van die land fisies en psigies raak, hou op kort en lang termyn implikasies vir die toekoms in.

Toenemende staatsveral, swak municipale bestuur, diensleweringprotesaksies en die verbrokkeling van staatsentiteite, waaronder nie net Eskom nie, is uitdagings wat almal in die gesig staar.

Met die naderende verkiesing in 2024 gaan daar waarskynlik 'n escalering van burgerlike onrus, geweld en spanning wees. Daar kan met 'n opstapeling van woorde voortgegaan word en feite kan nog verder beredeneer word om die benardheid van ons situasie te omskryf.

Teen hierdie agtergrond word die vraag al dringender gevra: Waar is die stem van die kerk in 'n samelewing en tyd waar daar soveel kantelpunte is? Hoekom is die kerk se stem stil? Die antwoord is dat die kerk, soos altyd, onvermoeid met dit waarmee sy geseen word, besig is om aandag te gee aan nood en om hoop te bring waar sy is. Dit is die werk en roeping van die kerk. Sy is 'n hoopdraer!

Die kerk bring egter nie net hoop deur dit wat sy doen nie, maar ook deur dit wat sy sê en bid. Die kerk moet haar besig hou met die adventus van God, die belofte dat God na ons toe kom en by ons is. God self kom na ons toe in hierdie uitdagende hede. God is teenwoordig; God is binne ons, en God is reeds en sal altyd en ewig met ons wees.

Gelowiges se vertroue kan nie op die kerk self geplaas word nie, maar wél op die belofte van die God in die hede. Die God van uiterste verrassings, die God van transformasie, die God wat heel maak en hoop bring en oor begin. "Die arm van die Here is nie te kort om te help nie en sy oor is nie te doof om te hoor nie" (Jes 59:1-2).

Die dagbestuur van die Algemene Sinode asook die voorsitters van die streeksinodes het besluit om met die oog op die uitdagings in ons lande 'n Dag van Verootmoediging op Sondag 13 Augustus 2023 aan te kondig. Ons versoek kerkrade om heelhartig aan hierdie geleentheid tot verootmoediging deel te neem.

Gemeentes word uitgenooi om tydens hulle plaaslike eredienste nederig voor die Here te buig oor die toestand van ons lande en saam te bid vir:

- genesing van ons lande
- leiers wat met integriteit regeer
- geestelike en morele herstel
- beter skoolopleiding vir kinders
- die veiligheid van ons mense
- herstel van ekonomiese vertroue en investering
- betroubare vennootskappe met die regeringsektor ten opsigte van maatskaplike dienslewering
- die verkiesing van 2024
- dié wat as gevolg van armoede, geweld of natuurrampe swaarkry.

Ons sal in die aanloop tot die Dag van Verootmoediging aan gemeentes liturgiese materiaal beskikbaar stel.


Daar gaan ook op 13 Augustus om 15:00 'n verootmoedigingsdiens aanlyn uitgesaai word. Die dagbestuur van die Algemene Sinode sal die diens lei. Skakels sal vooraf uitgestuur word.

Kom ons neem deel!

Groete

Gustav Claassen
(namens die dagbestuur)

Ons gemeente vereenselwig ons met die volgende:



Draers van Sy Lig
Verskilmakers met Deernis
Ambassadeurs van Hoop

FOKUS 2023

**"GOD HET ONS GEMAAK WAT ONS NOU IS;
IN CHRISTUS JESUS HET HY ONS GESKEP
OM ONS LEWE TE WY AAN DIE GOEIE DADE WAARVOOR HY ONS BESTEM HET."**

EFESIËRS 2:10